



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IV. Tacitus populi consensus necessarius est in legibus quæ de jure privato feruntur. Ius autem publicum à mero Principis arbitrio pendet; et si ad utilitatem Reipublicæ referri debeat. Ideo belli, ...

**urn:nbn:de:hbz:466:1-15591**

## & Imperij Lib. II. Cap. XVI. 113

esse existimavit, si tacito suffragio populi aliquem locum daret.

II. Magna sanè in Constitutionibus Imperiorum vigebat sapientia & æquitas. Non enim nisi de consilio jurisprudentorum & prudentium ferebantur, ut de Augusto dicitur à Iustiniano. De Alexandro Severo refert Lampridius, nullam legem sacravisse sine virginis jurisprudentia & quinquaginta sapientissimis dissensu[m]que viris. Memorabilis est etiam illa cura & diligentia, quam novis legibus promulgandis Theodosius & Valentinianus sibi prescripserunt, & Iustinianus amplexus est; nempe ut quod sanctificandum esset, ab omnibus antea tractaretur, tam proceribus sacri palatii qui consilio Principis intersunt, quam ipso Senatu, atque denou collectis omnibus recenseretur; & cum omnes consenserent, tunc demum in sacro consistorio recitaretur, ut universorum consensus Principis auctoritate firmaretur. Vnde non eleganter scriptis Themistius, Anaxarchum secutus, Regibus assidere Themidem & Dicem, (quod Hesiodus de Iove dixerat) & fabulis Poëtarum decantatum illud, prognamat è Iovis cerebro Palladem, ad Reges traxit: quia matura consilia de rebus propositis ineunt, & eorum executioni summa fedulitate imminent, ut civium utilitati prospicere possint. Finis enim justi imperij, inquit Ammianus, ut sapientes docent, utilitas obedientium estimatur & salus. quod ille haulit è Platone: eoque respiciebat Pythagoricus ille apud Stobæum, qui Regem ad regnum pertinere acutè & graviter scriptis.

Iaque cùm leges perferunt, id unum spectant Principes, quod communiter conductis Republicæ, ut alicubi dictum est ab Aristotele. Vnde apud Romanos olim ferebant legibus solennis illa clausula adhibebatur: *Vt siquid jus non effet rogari, rogatum ne effet.* id est, si quid utilitati publicæ officeret, id pro non constituto haberetur. Hujus formula sententiam à suis constitutionibus abesse noluerunt Principes, qui, ut cum Iustiniano loquer, *suum esse proprium, subjectorum commodum imperialiter existimat.* Neque ideo placita dicuntur Principum Constitutiones, quasi eorum arbitria sint pro lege, quod de antiquis Regibus scriptis Iustinus, ut nempe quidquid libuisset, liceret; sed placita juris, quo sensu verbum quoque *Places* usurpatum frequenter in Senatusconsultis, Prudentum responsis, & judicium sententis. Quare si rerum experientia doceat eas leges utilitati publicæ officere, quin ab earum usu absque injuria Principis recedi possit, nemo unquam dubitavit.

III. Ex eodem fonte manat ut legibus servandis cives suos adstringere Principes non censeantur, si statim atque publice propositæ sunt, viris sapientibus & cordatis, vel etiam ipsi universitati, earum usus parum commodus esse videatur: quia utilitas est *justi propæ mater & equi*, ut dicebat Horatius. Quare non immerito apud omnes recepta est illa Iuliani sententia quam initio protuli, ut quod à prudentissimis viris in Consistorio Principis tractatum est, etiam ipso usu & tacito populi consensu confirmetur. Hoc est quod dicebat Leo Imperator: *Novum jus inveterato usu stabiliendum est.* Quod è veterum philosophorum doctrina haustum est, qui leges ad parendi necessitatem adigere non posse, nisi ex more & consuetudine, obseruant; ut retulit Aristoteles. Sanè si contrario usu, & tacito consensu omnium, leges per desuetudinem abrogantur, & non solum suffragio legislatoris, ut dicebat Iulianus; ita etiam, et si non suffragium, consensus saltem tacitus populi, qui rebus ipsis & factis conitar, necessarius erit, ut leges receptae dici possint. Hoc axioma adeo verum est, nempe legibus neminem teneri, nisi usu receptæ sint, ut Menochius celeberrimus Iurisconsultus scribere non dubitarit cum Socino, et si lex promulgata fuerit, non præsumi usu hominum receptam & comprobata: quia scilicet usus ille est quid facti, factum autem secundum regulas juris non præsumitur: ideoque ait eum qui lege nititur, adstringi ad probationem usus publici & constantis illius legis.

Ceterum non est quod aliquis è trivio Philosophorum colligit, ex eo quod regni jura, eorum qui reguntur causâ sunt parata, sequi eos qui reguntur superiores esse Princeps qui eos regit. Si enim de Principibus agatur qui potiuntur summo imperio, hujus argumenti vim metiri oportet à iure tutorum. Nam tutela moribus inducta est, pupillorum causâ, nec eo minus tutela est jus ac potestas in pupilos ipsos. Sanè tutor, si male rem pupilli administraret, amoveri potest, quia magistratibus subiectur. At in summis Imperiis soli Deo Regum peccantium judicia relicta sunt; quia, ut recte inquit Marcus Aurelius, magistratus de privatis, Principes de magistratibus, Deus de Principibus judicar. quod jus *austroruvor* Regibus Francorum vindicavit Gregorius Turonensis.

IV. Quæ autem de legibus dixi, ut necessarius sit usus, & tacitus populi consensus, ad eas pertinet quæ de jure privato feruntur. Ceterum quæ de summa Repu-

L. cum de novo.  
C. de Legib.

Arist. L. 1. Polit.  
C. 6.

Menoch. I. 1. pre-  
sumpt. c. 1. n. 1, &  
3.  
L. in bello. & fa-  
cia. ff. de captiuis  
& post bellum, reversi.

Vide V. Cl. Hy-  
gonis Grotii I. 1.  
de iure Belli &  
pacis c. 3. n. 8.

Gregor. Turon.  
Iudicatus c. 1. hujus  
libri,

blica decernuntur, & de jure publico, non adstringuntur his conditionibus. Discri-  
men enim intercedere inter jus privatum  
& publicum, præter Iurisconsultos, docet  
etiam Aristoteles, qui suminam potestat-  
em partitur in *εργατονομίᾳ*, quæ in jure  
ferendarum & tollendarum legum ver-  
fatur, & in *πολιτείᾳ*, seu *πολιτείᾳ*, quæ  
aut publicas actiones respicit, ut pacis, fo-  
derum, & belli; aut res ipsas, ut tributa &  
vectigalia; in quibus comprehenditur do-  
minium eminentis quod habet civitas in ci-  
ves & res civium ad usum publicum. Addit  
& *διατείᾳ*, quæ res controversias inter singu-  
los dirimit, atque per magistratus exer-  
cetur. Leges quæ ad *διατείᾳ* pertinent, &  
ad singulorum controversias dirimendas,  
egent tacito populi suffragio, ut dixi. Sed  
belli, pacis, foederum, vectigalium, & do-  
minij illius eminentis arbitrium integrum  
ad summos Principes transcriptum est, so-  
lā populis obsequij gloriæ relictâ. Hoc si-  
gnificatum voluit Samuel, ut quibusdam  
visum est, cum jura regis recenseret; quo-  
rum usus ab arbitrio quidem Regis pende-  
bat, sed ita tamen ut cum utilitate publica  
conjunctus esset. Hic enim locum habet  
prudentissimum illud Platonis monitum,  
quod Ciceronis verbis referre malo quam  
meis: *Omnino qui Reipublica prefuturi sunt,*  
*duo Platonis precepta teneant, ut quidquid*  
*agnum ad eam referant, oblii commodorum suorum:* Alterum, ut totum corpus Reipublice cu-  
rent; ne dum partem aliquam tuentur, reliquas  
deserant. Quare cum ea tempora læpissime  
incident, in quibus aut propulsandus sit ho-  
stis, aut socij juvandi, vel aliud quid simile  
tentandum, & in eam rem pecunia par-  
anda sint, quas belli nervos esse dicebat  
Demosthenes; tum consilia rerum agen-  
darum cum paucis communicanda sunt, ne  
in plures sparsa, hostibus pateant; tum pe-  
cuniarum exigendarum modus à solo Prin-  
cipe prescribendus est; ne dum populi con-  
senus expectatur, aut occasionses rei bene-  
gerendæ præterlabantur, aut in necessita-  
tem adigatur Princeps publicandi consiliij.  
Inde meritò profectum est ut Princeps  
belli, pacis, foederum, & tributorum  
rationem solis sibi reddi velint. Quod sa-  
pe civium querelas immodestas provocat,  
qui sibi injuriam factam putant, cum do-  
mino illo eminenti, quod vocat Aristote-  
les, facultibus singulorum ad tuendum  
Reipublicæ corpus Princeps utuntur; cum  
potius nunquam satis memorata Periclis  
sententia, apud Thucydidem, in uniuscu-  
jusque animo obversari deberet: *Sic existi-  
mo etiam singulis hominibus plus eam prodeesse*

civitatem, que tota rectè se habeat, quam si  
qua privatis floreat utilitatibus, ipsa autem uni-  
versim laboret. Qui enim domesticas fortunas  
bene collocatas habet, patria tamen eversa pe-  
reat & ipse necesse est. Contrà vero etiamsi quis  
in beata Republica parum felix est, multò tamen  
facilius per illam incolamis servatur. Quare cum  
civitas quidem singulorum possit sustentare ca-  
lamitates, singuli autem publicas non item;  
quid est, cur non universim ipsi consulere ipsam-  
que tueri oporteat, nec id facere quod vos faci-  
ta, dum quasi attoniti justitia rei familiaris,  
salutem proditis Reipublice. Quem sensum ita  
expressit Livius: *Republika incolamis, & pri-  
vatas res salvias facilè prestat. Publica perden-  
do, tua nequicquam servos.*

V. Leges ecclesiasticae eadem tacita con-  
ditione qua civiles adstringuntur, scilicet  
ut parendi necessitate Christianos non te-  
neant, donec usu sint receptæ. Hæc est  
non solum Gallorum omnium, sed etiam  
celeberrimorum quorumque Doctorum  
sententia: quam trahunt è Gratiano, qui  
prolato Iuliani responso, subdit: *Leges ins-  
tituantur, cum promulgantur; firmantur, cum mo-  
ribus uentium approbantur.* Quò videtur in-  
clinare Augustinus, cum scribit, de legibus  
temporalibus homines judicare cum eas in-  
stituant, sed cum fuerint instituta & firma-  
ta, non licere judici de ipsis judicare, sed  
secundum ipsas. Hanc sententiam tuentur  
celeberrimi auctores Covarruvias & Na-  
varrus. Illius hæc sunt verba: *Certum est le-  
gem nullam vim obtinere, si ab initio recepta  
non fuerit a subditis.* quod Aristoteles docet *Polit. cap. vij.* & probat *l. de quibus ff. de  
Legibus. cap. in istis. §. leges. iij.* Dif. ubi  
scribit Domi. leges à Principe dari ea conditio-  
ne & intentione, ut non aliter obligent, quam si  
fuerint à Republica recepta. Ad idem *Glossa in  
cap. i. de Treuga & pace. gl. in l. rem non no-  
ravam. §. Patroni. C. de judiciis.* Et est commu-  
nis opinio. Nam & maximè presumendum est,  
eam legem, quæ à Republica non recipitur, mi-  
nimè ei convenire. Contra nituntur plerique,  
qui canonicas leges & pontificias exi-  
mum aliquid pra se ferre volunt. Illi ipsi  
tamen auctores hoc asserere non audent,  
nisi eo casu quo facilis sit & innoxia legis  
ecclesiastica executio. Nam si aliquo pacto  
utilitatem publicam lœdat, ab ea recipien-  
da fideles abstinere posse non invitus fate-  
tur Suares. Quod ferè in priorem senten-  
tiā incidit.

VI. Sanè si quis diligenter utrasque le-  
ges expendat, huic conditioni magis vide-  
tur obnoxia lex ecclesiastica quam civili-  
s, dupli ratione. Prima est, quia pot-  
estas ecclesiastica conceptis verbis data est

Aug. de vita in  
lig. c. 31.

Gersten, Tsch. in  
vita (pp. 158).  
Covarruvias.  
Var. Rebd. c. 11.  
n. 6. Navar. in  
summa cap. 31.  
n. 41.  
Iosephus Mistr  
Dochor. Paul. in  
4. diff. 17. 6. 6.  
Driedo. L. de  
Libet. Cisilius  
docum. 1.  
Armilla virgo  
Lex. n. 11.  
Angela. 110.  
ster.

Suares l. 4. de  
Legib. cap. 16.